

समे – 12:25

<><><><><><>

PM-NITI

प्रधानमंत्री नरेन्द्र मोदी होर अज्ज नमीं दिल्ली राष्ट्रपति भवन सांस्कृतिक केन्द्र, च नीति आयोग दी गवर्नरिंग काउंसल दी 9मीं बैठक दी अध्यक्षता करगंन। इस बारे दी बैठक दा विषयसार “विकसित भारत @ 2047 ऐ। इस बैठक च भारत गी 2047 तोड़ी विकसित भारत बनाने बारे दृष्टिकोण बारे चर्चा कीती जाग। नीति आयोग नै आखेआ जे गवर्नरिंग काउंसलिंग दी बैठक च शैहरी ते ग्रामीण इलाकें च रवा’रदे लोकें दे जीवन गी होर बेहतर बनाने बारे केन्द्र ते राज्य सरकारें बश्कार तालमेल ते आयोग बारे चर्चा कीती जाग।

<><><><><><>

Kupwara Encounter

अज्ज जम्मू कश्मीर केन्द्र शासत प्रदेश दे कुपवाड़ा जिले च नियंत्रण रेखा उप्पर मछेल सेक्टर दे कमकारी इलाके च इक बेपुछानू मनुखै कन्नै गोलीबारी होई। सुरक्षा सूत्रें मूजब इक गोलीबारी दरान इक पाकिस्तान दे रियाशी गी मारेआ गोआ ते सेना दे दऊं जवान बी घायल होए न। तोआई इस मामले च खीरी रिपोर्ट मिलने तोड़ी एह आपरेशन जारी हा।

<><><><><><>

Security Foreces Alert

जम्मू कश्मीर च आतंकवादी गतिविधियां बधा’रदियां न ते बाहरले मुखें दे लोक इसलै जम्मू खित्ते च आए दे न, जेहदे चलदे सुरक्षाबलें आतंक प्रभावत क्षेत्रें दे बक्ख-बक्ख जांच बिंदुएं च जांच होर सख्त करी दित्ती ऐ। आकाशवाणी जम्मू दे संवाददाता हुंदी रिपोर्ट मूजब कतुआ ते डोडा जिले च इनें गतिविधिएं कन्नै सब्बने शा मते प्रभावत होए दे न। सुरक्षाबलें इनें इलाकें च इस गतिविधिएं गी नबेड़ने दा कोई मौका नेई छोड़ा’रदे न। एहदे इलावा ओह ग्राएं दे मुखें कन्नै बी इस मसले सरबंधी बैठकां करा’रदे न। सुरक्षाबलें दा आखना ऐ जे आम लोकें दे सैहयोग कन्नै अस आतंकवाद गी मकाई सकदे न। इस सोच कन्नै अगड़े बधदे होई ओह परतियै ओह आम लोकें कन्नै जुड़ा’रदे न।

<><><><><><>

AC Decision

प्रशासनिक परिषद नै जम्मू कश्मीर औद्योगिक जमीन दी अलाटमेंट सरबंधी नीति 2021–30 च बदलाव करने दी मंजूरी देई दित्ती ऐ। परिषद नै जम्मू कश्मीर औद्योगिक इलाकें दे विकास आस्तै बक्ख–बक्ख श्रेणिएं दी जमीन गी मुंतकिल करने दे प्रस्ताह गी बी मंजूरी दित्ती ऐ। परिषद दी बैठक उपराज्यपाल मनोज सिन्हा हुंदी अध्यक्षता च होई। राजभवन दे प्रवक्ता दे मताबक हितधारकें शा मिली दी प्रतिक्रिया दे आधार पर मजूदा नीति च बदलाव कीता गेआ ऐ जेहदा मकसद जमीन अलाट करने दी प्रक्रिया गी असान ते कारगर बनाना ऐ। परिष नै 3 ज्हार 188 कनाल ते 8 मरले जमीन गी उद्योग ते वाणिज्य विभाग गी मुंतकिल करने दे प्रस्ताह गी बी मंजूरी देई दित्ती ऐ। एह जमीन जिला कुपवाड़ा, बांडीपोरा, अनंतनाग, पुलवामा, बारामुला ते बडगाम च ऐ। 2019 मगरा औद्योगिक ढांचे गी मजबूत बनाने पर सरकार दा खासा ध्यान रेआ ऐ जेहदे कन्नै आर्थिक विकास ते रोजगार दे नमें मौके बी पैदा होंदे न।

<><><><><><>

Summary Revision

भारती चुनां आयोग ते जम्मू कश्मीर दे मुख् चुनां अधिकारी हुंदे आस्सेआ जारी कार्यक्रम मूजब प्रदेश दे सब्बने मतदान केन्द्र च अज्ज 27 जुलाई, 28 जुलाई ते फही 3 ते 4 अगस्त गी बी विशेष कैंप लोआए जा करदे न। सब्बने चुनां पंजीकरण अधिकारिएं गी निर्देश दित्ता गेआ ऐ जे ओहू सरबंधत मतदान केन्द्रें पर लोडचदे फार्मे ते मतदाता सूचिएं सनें बूथ सतह दे सब्बनें अफसरें दी मजूदगी जकीनी बनान। कैंप आले ध्याड़े पर मतदान केन्द्रें दी चानचक्क जांच बी कीती जाग।

<><><><><><>

JKEDA

जम्मू कश्मीर च सरकारै 2025 दे खीरी तोड़ी 40 ज्हार कोला बी मती इमारतें च रूफटॉप सोलर पॉवर प्लांट लोआने लेई केई प्रोजेक्ट शुरू कीते न। इंदे च सरकारी ते नीति दवै इमारतां शामिल न। आकाशवाणी जम्मू दे संवाददाता हुंदी रिपोर्ट मूजब इस पैहलकदमी कन्नै

जम्मू कश्मीर च 270 मैगावाट होर सोलर एनर्जी उत्पन्न होई सकदी ऐ ते एह्दे कन्नै 20 ज्हार घरें ते घट्ट कोला घट्ट 22 ज्हार 494 सरकारी इतारतें च इस्तेमाल कीती जाई सकदी ऐ। इसलै 60 मैगावाट कन्नै गै 3 ज्हार 800 रिहाशी ते 3 ज्हार 825 सरकारी इमारतें च सोलर एनर्जी इस्तेमान कीती जा'रदी ऐ। जम्मू कश्मीर डवैलपमेंट अजेंसी यानि जेकेईडीए एह् सारा कम्म करोआ'रदी ऐ। नमीं अक्षय ऊर्जा मंत्रालय नै कलीन एनर्जी गी पूरा करने लेई 2030 तोड़ी जम्मू कश्मीर सरकारै आस्तै 500 मेघावाट दी सोलर एनर्जी उत्पन्न करने दा लक्ष्य दित्ते दा ऐ ते हाल च गै आए दे बजट च बी जम्मू कश्मीर च सोलर रूफटॉप ते सोलर पंप लोआने लेई केन्द्र सरकारै 150 करोड़ रपे दा प्रस्ताह रखे दा ऐ।

<><><><><><>

STD Dealers Meet

जम्मू स्टेट टैक्स दे प्रशासन ते प्रबंधन विभाग दी अडिशनल कमीशनर नमरीता डोगरा होरें कल 100 फीसद रिटर्न फाइलिंग उप्पर जोर पाया ते टैक्स जमा करोआने गी धोखाधड़ी ते नकली क्यूआर कोर्ड इस्तेमाल करने आस्तै चेतावनी बी दित्ती। उनें सर्कल-ए ते सर्कल-सी दे हेठ टैक्स जमा करोआने आले दी Know your dealer पैहलकदमी दे तैह्त बैठक रखी दी ही, जित्थें उनें एह् गल्ल आक्खी। नमरीता होरें आखेआ जे उनें नोटिस कीता ऐ जे किश होटलें आले, खाने-पीने दी रेहड़ियें आले ते होर बपारिएं बक्ख-बक्ख यूपीआई अकाउंटें थमां पेमेंटा मिलदियां न, जेह्दे करियै ओह् टैक्स बचाने आस्तै अपना वास्तविक कारोबार छपैलदे न। उनें इब्बी आखेआ जे इस गतिविधि दी जांच करने आस्तै स्टेट टैक्स विभाग तौले गै इक अभियान चलाग।

<><><><><><>

Opposition Meet

जम्मू कश्मीर च विपक्षी दलें इक बारी परतियै 7 अगस्त गी किट्ठे रलियै उपराज्यपाल होरें गी थ्होई दिएं होर मती शक्तिएं सरबंधी गल्लबात करने दा फैसला कीता ऐ। आकाशवाणी जम्मू दे संवाददाता हुंदी रिपोर्ट मूजब एह् बैठक नरवाल च रेडिसन ब्लू होटल च होग। एह्दे च जम्मू कश्मीर सरकार दे 2019 च आंदे गेदे व्यवसायिक नियमें च आंदे गेदे बदलावें बारे गल्लबात होग। इस बैठक गी करोआने दा फैसला सीपीआई(एम) दे वरिष्ठ नेता ते कुलगाम

दे साबका विधायक मोहमद यूसुफ तारीगामी होरें लैता। उनें विपक्षी दलें दे सब्बने नेताएं गी इस बैठक च हिस्सा बनने लेई आखेआ ऐ।

<><><><><><><>

Horticulture PMFME

खाने पीने आलिएं चीजें गी डब्बाबंद करने सरबंधी भलेयां लौहके उद्योगें गी विधिसंगत बनाने सरबंधी योजना—पीएमएफएमई दे तैहत कल कठुआ जिले दे धल्ली दयालाचक्क आले पंचैत घर च मैहकमा बागवानी, योजना ते मार्किटिंग आस्सेआ जागरूकता सरबंधी कार्यशाला दा सरिस्ता कीता गोआ। हीरानगर दे एसडीएम राकेश कुमार, साबका सरपंच सुभाष शर्मा ते होरनें ऐहलकारें बी हिस्सा लैता। कठुआ गिमां लीड बैंक मैनेजर ते होरने बैंक अधिकारिएं बी एहदे च शिरकत कीती।

<><><><><><><>

SWP-BBBP

समाज कल्याण विभाग ते संकल्प मिशन शक्ति दे सैहयोग कन्नै बेटी बचाओ बेटी पढ़ाओ अभियान दे सरबंध च इस जागरूकता कार्यक्रम दा आयोजन गोरमेंट हायर सकेंडरी स्कूल रामगढ़ च कीता गोआ। इस कार्यक्रम च भाषण, नाटक पेशकश, कविता पाठ, डोगरी नाच, गीत ते नुक्कड़ नाटक जनेई गतिविधियां शामिल हियां। खीरै च स्कूल दे प्रतिभाशाली विद्यार्थिएं गी सम्मानत कीता गोआ ते शिक्षा सरबंधी किट्स, स्कूल बैग बी दित्ते गे। इस कार्यक्रम दा मुख मकसद बेटी बचाओ बेटी पढ़ाओ अभियान बारे सारें गी मते कोला मता जागरूक करना हा।

<><><><><><><>